

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), Vlada Zeničko-dobojskog kantona, na 66. sjednici, održanoj dana 22.07.2020. godine, d o n o s i

## ZAKLJUČAK

### I.

Utvrdjuje se Prijedlog Zakona o izmjeni Zakona o izvršavanju Budžeta Zeničko-dobojskog kantona za 2020. godinu.

### II.

Prijedlog Zakona o izmjeni Zakona o izvršavanju Budžeta Zeničko-dobojskog kantona za 2020. godinu, upućuje se u dalju skupštinsku proceduru po skraćenom postupku.

### III.

Zaključak stupa na snagu danom donošenja.

**PREMIJER**

*Mirza Ganić*

Broj: 02-\_\_\_\_\_ /20  
Datum, 22.07.2020. godine  
Zenica

DOSTAVLJENO:

1x Ministarstvo finansija,  
1x Stručna služba Skupštine,  
1x a/a.

## PRIJEDLOG

Na osnovu člana 37. stav 1. tačka f) i g) Ustava Zeničko-dobojskog kantona, Skupština Zeničko-dobojskog kantona, na \_\_\_\_sjednici, održanoj dana \_\_\_\_\_, donosi

### **ZAKON O IZMJENI ZAKONA O IZVRŠAVANJU BUDŽETA ZENIČKO-DOBOJSKOG KANTONA ZA 2020. GODINU**

#### **Član 1. (Izmjena člana 9. Zakona)**

U članu 9. Zakona o izvršavanju Budžeta Zeničko-dobojskog kantona za 2020. godinu (“Službene novine Zeničko-dobojskog kantona”, broj: 24/19), stav (2), mijenja se i glasi:

“(2) Gornji iznos ukupnog novog unutrašnjeg i vanjskog zaduživanja Kantona u 2020. godini iznosi do 42.289.552,21 KM i pripadajuće kamate, i to:

- a) u svrhu finansiranja budžetskog deficita Kantona do 31.642.680,00 KM i
- b) učestvovanja u okviru Dodatnog finansiranja za projekat “Energetska efikasnost u BiH” za Federaciju BiH za period 2020.-2024. godina, a koji će se finansirati iz kredita Svjetske banke do 10.646.872,21 KM.”.

#### **Član 2. (Stupanje na snagu)**

Zakon stupa na snagu narednog dana od dana objavljivanja u “Službenim novinama Zeničko-dobojskog kantona.

Broj:  
**PREDSJEDAVAJUĆI**  
Datum,  
Z e n i c a

**Ćazim Huskić**

# O B R A Z L O Ž E N J E

## I USTAVNI OSNOV

Ustavni osnov za donošenje ovog zakona sadržan je u članu 37. stav 1. tačka f) i g) Ustava Zeničko-dobojskog kantona.

## II RAZLOZI ZA DONOŠENJE

Vlada Zeničko-dobojskog kantona je na svojoj 24. vanrednoj sjednici održanoj dana 28.05.2020. godine donijela Zaključak broj: 02-11-8235/20 od 28.05.2020. godine, kojim je data prethodna saglasnost Ministarstvu za obrazovanje, nauku, kulturu i sport Zeničko-dobojskog kantona za učestvovanje u okviru Dodatnog finansiranja za projekat „Energetska efikasnost u BiH“ za Federaciju BiH, za period 2020.-2024. godina, a koji će se finansirati iz kredita Svjetske banke.

Tačkom II navedenog Zaključka je utvrđena je lista sa dvadesetosam (28) objekata javnih ustanova iz nadležnosti Ministarstvu za obrazovanje, nauku, kulturu i sport koji su uključeni u ovoj projekat i čija je implementacija planirana u 2020. godini.

Nakon toga, Federalnog ministarstva prostornog uređenja je dostavilo svoj akt broj: 01-19-602/20 od 30.06.2020. godine – Obavijest o usvajanju liste objekata za implementaciju mjera energetske efikasnosti u period 2020.-2024. godina u okviru projekta AF BEEP, u kojem je između ostalog navedeno da je dana 26.06.2020. godine Upravni odbor projekta “Energetska efikasnost u BiH”, za Federaciju BiH usvojio listu objekata za implementaciju mjera energetske efikasnosti u periodu 2020 – 2024. godina, među kojima se nalazi dvadesetosam (28) objekata koje je Zaključkom broj: 02-11-8235/20, Vlada Zeničko-dobojskog kantona predložila na svojoj 24. sjednici održanoj 28.05.2020. godine.

S tim u vezi, Vlada Zeničko-dobojskog kantona je na svojoj 64. sjednici održanoj dana 10.07.2020. godine donijela Zaključak broj: 02-13-11864/20 od 10.07.2020. godine, kojim se daje saglasnost na Listu objekata Zeničko-dobojskog kantona sa procjenjenim vrijednostima investicija po objektima za implementaciju mjera energetske efikasnosti u periodu 2020.-2024. godina koji se realizuje u okviru projekta AF BEEP, a prema listi objekata Zeničko-dobojskog kantona dostavljenoj od strane Federalnog ministarstva prostornog uređenja – Implementaciona jedinica “Energetska efikasnost u BiH”, u ukupnom iznosu do 10.646.872,21 KM.

S obzirom da predmetno zaduženje nije planirano u Zakonu o izvršavanju Budžeta Zeničko-dobojskog kantona za 2020. godinu, bilo je neophodno izvršiti odgovarajuću izmjenu člana 9. Zakona o izvršavanju Budžeta Zeničko-dobojskog kantona za 2020. godinu, u pogledu povećanja gornjeg iznosa novog zaduživanja Kantona u 2020. godini.

U skladu sa članom 140. Poslovnika Skupštine Zeničko-dobojskog kantona – Treći prečišćeni tekst („Službene novine Zeničko-dobojskog kantona“, broj: 14/18, 18/18- Isp. i 7/19), predlaže se upućivanje Prijedloga Zakona o izmjeni Zakona o izvršavanju Budžeta Zeničko-dobojskog kantona za 2020. godinu u skupštinsku proceduru po skraćenom postupku, u formi prijedloga, s obzirom da se neradi o obimnom i složenom propisu.